

右玉符與天地同生玉帝所受傳於太上大道君秘在瓊宮之內七千年聽三傳若有金名東華綠字上清之人七百年聽三傳盟用白絹四十尺金鈕三雙盟青繒三十二尺以代列普之信師弟子對齋六十日北向而傳有此文通靈致真飛行太空白日昇天違科愆盟一犯伐功斷事萬不得仙三犯七祖己身並充被風刀之考死入地獄萬劫長充下鬼負石填河之役玄都左官女青律文受者明慎奉行

太真玉帝四極明科經卷之三

十四

太真玉帝四極明科經卷之四 兩八
 太玄右官女青四極明科律文
 黑帝王司君姓史諱升度衣皂文之衣五色鳳章頭戴玉精通天寶冠手執五色羽節治玄陰太冥洞天左右官領北嶽恒山仙官地靈水精黑壬之兵北統無產之天無鞅劫數無窮無極之官總領上真之格悉隸於黑帝玉司之君主人生死之命知其名存其神修行九年致阜雲飛與來迎兆身上昇玄宮
 太玄都四極明科曰凡高上太真玉皇帝君王清真人萬仙衆聖得道靈人皆佩太真明科檢制衆真科文秘於九天無鞅之宮七寶華房侍文太華玉女七千人金神王童九千人燒香典靈舊科經無鞅之劫傳二十四人輕科慢禁違犯玉律皆削真皇之籍充遊散之官如上之文隨功進號玄都右官女青律文受者明慎奉行
 太玄都四極明科曰凡學之士受九真明科三品二十七條三素之上篇秘於太上靈都之官素靈玉女三千人金神王童四千人侍

衛典香舊科九萬劫傳九人誓盟紫金十兩紫紋百尺以誓九天有金骨玉名合真之人依盟而傳師弟子對齋九十日北向告給玉童玉女二十四人輕科慢禁漏泄寶訣己身七祖並充刀山火鄉二十四獄三塗五苦之難萬劫方還下鬼負石之役玄都右官女青律文受者明慎奉行
 太玄都四極明科曰四極明科乃高聖之王訣太上大道君之所受秘於金簡紫臺玉映七寶之宮侍之玉女玉童各二千四百人科終無數之劫遇有金名玄圖綠字上清寶藏玉骨之人盟而傳之盟五色錦繒各九十尺鳳紋之羅四十尺金魚玉龍各一枚長一尺二寸以紀受科年月以封於本命之獄以誓九天之信對齋百日告盟而傳給玉童玉女各三十六人輕科慢律漏泄寶文己身七祖並充刀山食火之難二十四獄三塗五苦之中萬劫得充下鬼負石之役玄都右官女青律文受者明慎奉行
 太玄都四極明科曰靈寶洞玄經五勝玉訣

皆太上之寶文王帝之玄章本出九天父母
封於太上玉京金房紫戶之內萬劫一出今
封各一通於太山之北一通於勞威山若有
金骨玉藏言名帝錄千年得傳三人盟信上
皇之初皆金錢為誓今以紫紋五十八金二
兩金錢二雙以准列誓之盟師弟子封齋百
日分帛而傳侍經玉女九人玉童十二人得
者修行位加仙卿輕文慢寶泄露至真七祖
父母己身同被左右二官所考登刀山火鄉
二十四獄三塗五苦萬劫得還充下鬼負石
之役玄都右官女青律文受者明慎奉行
太玄都四極明科曰天皇地皇人皇三皇內
文大字或曰洞神一名洞仙一名太上玉策
皇上元人所修太上道君所秘大有之宮七
十年而出今五嶽悉封一通若有金名玉字
於方諸官四十年聽傳法盟白絹四十尺金
三兩古用白雞軟血為盟今以金素代准世
無其師當投物山接按而奉馬師投齋三日
告盟給玉文玉重各九人達科慢禁五犯廢
功斷事七犯死沒三官罰以地獄三塗玉苦

之役萬劫還生不人之道玄都右官女青律
文受者明慎奉行

太玄都四極明科曰五嶽真形圖上皇之所
秘太上大道君所修西王母之所行五千年
三傳若有名書東華錄字帝簡當得此文四

十年內有其人聽得授之法盟五色縉東九
尺青南三尺絳西七尺白北五尺卑中央十
二尺黃紋白絹四十尺齋三日告盟而傳有

此文遊行五嶽則五帝仙人侍衛兆身位登
仙卿有違盟犯律五犯廢功斷事七犯死入

地獄三塗五苦萬劫還生不人之道玄都右
官女青律文受者明慎奉行

太玄都四極明科曰凡太上威神策玉帝攝
殺策天帝八威策上皇紫虛策元皇飛仙策

太微靈神策玄元攝魔策皇文黃帝王聚太
一帝君傳三皇傳五嶽傳昇仙召魔傳悉秘

於東華青宮玉格之上應為真人者以傳昇
仙之號舊科一千年一出若有名言青宮骨

法合仙百年內有其人亦三傳法盟並白絹
四十尺金二兩南向告盟而傳得此文則五

帝司迎萬精伏首役使群靈輕文慢真五犯
不得又仙十犯死入地獄三塗之中萬劫還
生非人之道玄都右官女青律文受者明慎
奉行

太玄都四極明科曰凡上清高仙品格之符
豁落七元流金火鈴夜照神灼五藉洞玄隱

天大符方丈震靈靈飛左右金神虎文智慧
文翰大洞三十九章玉符並出舊經之中若

單佩此符亦可別書盟信年限悉依經科有
犯如之但得單行備矣玄都右官女青律文
受者明慎奉行

太玄都四極明科曰金方二十七首金液丹
經九鼎神圖琅玕華丹八石練脾智慧赤藥

上化丹方四十六卷並仙皇之秘事藏於九
疑之中五百年一傳若有名言上清玉札青

宮皆百年得傳悉盟誓上金七兩白絹四十
尺以誓九天不泄之信得其法白日昇天輕

泄穢慢死充三官負石填河之役萬劫得生
人道之中玄都右官女青律文受者明慎奉
行

太玄都四極明科曰凡修上清道經大洞真經三十九章入室之日當身冠法服作鹿皮之中不者葛巾亦可當披鹿皮之帔無者紫青可用當以紫為表青為裏帔令廣四尺九寸以應四時之數長五尺五寸以法天地之氣表裏一法表當令二十四條裏當令一十五條以應三十九帝真之位爾身披帝皇之章便應冠帶帝皇之服故也無有此服不得妄動寶經誅一句則響徹九天萬帝朝軒九真扶位所應不輕單衣誦經天魔侵景萬精亂音神喪氣散死入幽泉魂魄艱辛不得又仙有此法服威章給玉童玉女各十二人典衛侍真不得妄借其人并履掩穢輕慢神服五犯不得冠身無復仙真十犯被考左右二官身死被掠刀山食火二十四獄萬劫還充負石之役玄都右宮女青律文受者明慎奉行

今用三丈四尺身幅長短就令取足當使兩幅作十六條身中二十三條合三十九條又作青紗之帔令用四十五尺作八幅幅長四尺九寸餘作攀腰分八幅作三十二條此則飛青之帔元君之服也身冠此服萬真束帶千魔穢形給玉童玉女各十二人典掌法服也無此服不得誅於上清寶經輕以常服誦誄上經天魔侵景萬精亂音神散氣離不得又仙有元君之服而輕慢穢污妄給他人五犯伐功斷事不得又仙冠此服十犯為陰官所考罰以刀山食火二十四獄三塗之中萬劫還充負石之役玄都右宮女青律文受者明慎奉行

蓋昇入紫庭畢引氣三十九咽畢然後入室禮拜行事也不先存念通真而逕造入室禮拜燒香皆驚愕神真徒勞行事帝不納聽神散氣離廢忽內宮五犯不得又仙十犯考屬左官死充地獄三塗之中萬劫還生非人之道玄都右宮女青律文受者明慎奉行

太玄都四極明科曰入室誦黃庭玉景內經當燒香清齋身冠法服入戶北向四拜長跪叩齒二十四通上啓

高上萬真玉晨太上大道君某甲今當入室誦誄玉經鍊神保藏乞官華榮身得乘虛上拜帝庭畢遠東向四揖大帝又叩齒十二通上啓扶桑大帝賜谷神玉某甲今入室披誄玉經乞使靜室芝英自生玉華寶耀三光洞明萬福胎仙得同帝靈畢東向誦經十遍為一過一竟便還北向四拜東向四揖不須復啓也但拜誦如法隨誦多少然以十數為限不依法而誦經虧損俯仰之格徒勞於神無益於求仙也五犯廢功斷事十犯身充風刀之考死充下鬼負石之役萬劫還生不人

之道玄都右宮女青律文受者明慎奉行

太玄都四極明科曰學士入室誦經皆五帝

東帶四司扶位不得臨經佳音與外人交言

失畧言句稽誕天真想念不專五犯伐功斷

事不得又仙十犯身被左官所考死充地獄

三塗五苦之役萬劫還生非人之道玄都右

宮女青律文受者明慎奉行

太玄都四極明科曰入室誦經當令言句相

屬不得越略天音失一句更却百言而讀失

二句却還二百言失至五句却五百言始就

誦失一句更誦一遍而補之十犯至三十犯

廢功斷事不得又仙五十犯至百犯上延七

世祖考己身並被左右官考罰刀山食火二

十四獄三塗之役三捺乃得充負石填河之

責玄都右宮女青律文受者明慎奉行

太玄都四極明科曰入室誦經當令目注經

文心念神真不得臨經他念異想以亂天音

十犯至三十犯伐功斷事不得又仙五十犯

至百犯上延七祖己身並充左右官考罰刀

山火鄉二十四獄三塗五苦之中萬劫還充

下鬼之役玄都右宮女青律文受者明慎奉行

太玄都四極明科曰入室誦經千言以下不

得臨經進飲千言以上至五千言得一進飲

五千言以上至萬言得二進飲萬言以上得

三進飲不得妄進飲食以充氣音五犯至十

犯伐功斷事不得又仙十犯至三十犯身被

左官所考死入地獄萬劫得生六畜之中玄

都右宮女青律文受者明慎奉行

太玄都四極明科曰入室誦經萬言神發氣

極得聽中住消息後得讀句竟編雖爾不得

經宿殘句虧廢天度五犯至十犯伐功斷事

不得又仙十犯至二十犯身被左官所考死

入地獄萬劫還生賤人之道玄都右宮女青

律文受者明慎奉行

太玄都四極明科曰入室誦經若有男六同

學亦得同室但男女異牀北向誦經當令男

在東女在西也不得坐起卧息混同一席三

犯斷功廢事不得又仙五犯身被左官所考

死入地獄三塗之中萬劫還生六畜之中玄

都右宮女青律文受者明慎奉行

太玄都四極明科曰凡入室誦誦大洞真經

三十九章皆當先施金真玉光招靈制魔之

符置於五方然後乃得誦於寶經也此文出

於九天真王萬帝所施受帝之號不得此文

亦不得行正真之事況於後學無此文耶無

文誦經真不為降天魔侵形內神不固華年

朽零得有此文天真侍衛五徽司迎誦經響

徹三元詣房施行事訖請以錦囊封之金匱

不得宣揚輕語不秘泄漏靈文穢慢上真禍

延七祖己身並充刀山食火二十四獄三塗

五苦萬劫得充負石填河之役玄都右宮女

青律文受者明慎奉行

太玄都四極明科曰凡入室誦大洞真經三

十九章當坐方丈震靈之上此文用青為地

亦以佩身亦以內座褥之中施行之日不得

此文亦天魔侵人有此文者不得妄令女人

及異己坐起其上此天真秘文正施一己之

用不可雜坐慢靈一犯伐功斷事不得又仙

三犯己身及七祖並充左右二官之考罰以

刀山火鄉之難二十四獄之中三掠得充下鬼之役玄都右宮女青律文受者明慎奉行太玄都四極明科曰凡人入室誦經當擇內外每令精感焚香明燈斷絕外因以期神明如此真人降房神清體明冠得神仙

犯律五犯廢功斷事不得又仙十犯死八地獄三塗之中萬劫還充下鬼之役玄都右宮女青律文受者明慎奉行

太玄都四極明科曰凡以供奉寶經之具凡案中帳不得妄借於人此悉有玉女玉童典衛典錄不可輕忽五犯伐功斷事不得又仙十犯考及己身死入地獄三塗之中萬劫還生賤人之道玄都右宮女青律文受者明慎奉行

太真玉帝四極明科經卷之四

太真玉帝四極明科經卷之五 西元

太玄都中宮女青律文

中央黃帝玉司君姓黃諱總生衣黃文之表備九色之章頭戴通天玉寶晨冠治太玄中宮主統無上無下無內無外無表無裏無軟數劫無滯之天主領中央高高山仙官總領五方戊己之兵四司之官莫不隸於玉司之君也主人生死之命知其名存其神修行九年尅得黃霞之輿來迎兆身白日昇天也

太玄都四極明科曰凡有金骨玉名刻字青官於世遭過經師奉受寶文三十一卷獨立之訣未能遺累絕志幽山拘逼世務或仙資未備亦得於世供養朝夕禮拜如奉君父有夫妻之對亦得修行七經之道氣節應數但不得虧盈天度使氣散神遊混累正真爾夫上真帝景及夫人元君之胤皆得下降有道之人結對景之匹以氣相適亦登運所加理造於斯豈掛濁滯之氣耶既受上法拘在世路當尋七經接而行禮不得輕合陰陽濁穢不節果有斯事突犯齋室一犯萬不得仙三

犯己身七祖父母同考三官罰以刀山食火二十四獄三塗五苦之中萬劫長充下鬼負石之役玄都中宮女青律文受者明慎奉行太玄都四極明科曰上學之士奉受寶經諸師啟盟之後當供奉師宗禮拜恭敬如奉神明入室燒香皆當先存師所在心拜師前然後行事故有告誓之盟結帶之信其儀甚重至不可輕有違盟負誓攻伐師本評論是非得新忘故一犯斷功廢事不得又仙三犯上延七祖己身並充左右二官考罰以刀山食火二十四獄三塗五苦萬劫長充下鬼負石填河之役玄都中宮女青律文受者明慎奉行

太玄都四極明科曰奉受上經諸師登盟上告九天誓萬靈約當寶秘修行道真結盟之後不得綺言妄語欺詐同學誘取經書毀謗師君與造無端露泄寶訣以與不盟罪延七祖充無極之劫履刀山食火鑠械三塗五苦之中己身生世被風刀之考求死不得罪魂充於左官刀山火鄉二十四獄三塗五苦